

Anem Òc ! per la lenga occitana !

Apelada per la manifestacion dau 24 d'octobre de 2009 a Carcassona

La preservacion de la diversitat linguïstica e culturala dins lo monde es un pretzfach essenciau de menar dins las annadas que venen.

Mas en França, tot-parier, la lei entraupa quela preservacion. La lenga occitana, especialament, es menaçada perque avem pena politica positiva per sa transmission.

Alaidonc, dins tots los país occitans, fau far eisir un temps jauvent per l'ensenhament de la lenga e dins la lenga, per la creacion culturala occitana, per la preséncia de l'occitan dins las medias electronicas, audiovisualas e eschichas, per son usatge dins la vita publica e sociala. Tot quò quí aisinará segur e balhará dau lanç a la transmission familiala de la lenga.

Los medias

Volem un servici public de radiò e de television en occitan.

Damandem una ajuda especifica per los operators privats (radiòs associativas, premsa, televisions) que trabalhen per la lenga.

La creacion

Lo sosten a la creacion, quò passa per una politica especifica per l'edicion, lo teatre, l'espectacle viu en generau, lo cinemà e la musica. Lo monde deven poder descobrir una cultura ben pro sarrada.

L'ensenhament

Fau que chascun puecha chausir un ensenhament a sa mòda :

- un ensenhament en occitan (bilingüe a paritat orària o en immersion) ;
- un ensenhament de la lenga e de la cultura occitanas ;
- un ensenhament per los adultes.

Quò vòu dire una politica d'òfra generalizada.

La vita publica

L'occitan deu se trobar present dins la vita publica. Quò vòu dire per exemple :

- lo respiech de la toponimia e la mesa en plaça d'una sinhalisacion bilinga,
- un encoratjament a usar la lenga dins los luòcs publics e dins la vita sociala.

Totas quelas damandas an per tòca de far viure una lenga e de permetre a los que zo vòlen de l'emplejar. S'adrecen au còp a las collectivitats localas occitanas (comunas, comunautats de comunas, departaments, regions) e a l'Estat. Chascun deu arregir çò qu'es de sa responsabilitat. Quo es a l'Estat de 'dobar sa legislacion.

Coordinacion Anem Òc !

Institut d'Estudis Occitans, organisme culturau reconegut d'utilitat publica

Felibrige, movement de defensa de la Lengua d'Òc

F.E.L.C.O. Federacion daus Ensenhaires de Lengua e Cultura d'Òc

Calandreta, escòlas occitanas associativas laïcas

Òc-Bi, associacion de parents d'escolans per l'ensenhament bilingüe public